



國家清史編纂委員會・文獻叢刊

八編

清代稿鈔本

第三七四冊

國家清史編纂委員會・文獻叢刊

八編

清代稿鈔本

第三七四冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第三七四冊目錄

如舟吟館詩鈔	一
梓里談資	一六一
嘉圃先生文稿	二三三
寶安詩正	二七七
離騷經批點	三八一
胡敬齋先生詩鈔	四三一
文館詞林	四八一
東塾遺詩	五九五

如舟吟館詩鈔

不分卷

瑞常撰

鈔本

中山大學圖書館藏

如舟吟館詩鈔

如舟吟館詩鈔

瑞常 清蒙古鑲藍旗人 杭州駐防 性不爾德特氏 字望生
號西樵 道光進士 同治間官至 文華殿大學士 卒謚文端

寬予偶記

一九五五、九

如舟吟館詩鈔序



詩本於性情而詩人多以山水爲性情吾杭山水據東南之勝靈秀之氣尤瘁於西子一湖古詩人宦遊於此往往勾留不能去白公蘇公其尤著者也矧性耽風雅生長其地者哉 芝生相國蒙古人其先世駐防於杭故又爲杭人光緒戊寅春公子葵卿通副以公遺集如舟吟館詩鈔一編問序於余署曰生長西湖芝生氏著余受而讀之喟然曰公蘧性情人也古所稱樂操土風不忘舊者也公自

序

詞林洊登宰輔其事業在 國史其生平行誼在天下人
之口固不藉詩以傳是集分年編次一生出處遊蹤宦蹟
厯厯可指亦不藉西湖以傳然其中思親憶弟及朋僚贈
答之作低徊往復未嘗不時動鄉關之思此以知真山水
真性情固有凝結於不可解者千秋萬歲公之魂魄必猶
依戀此湖也夫溫柔敦厚詩教也四牡采薇諸篇一則曰
豈不懷歸再則曰豈不懷歸古人王事賢勞而眷懷父母
之邦有根於性發於情而不能自己者公以身依禁近匪

躬蹇蹇不克優游於六橋三竺間於是顧瞻桑梓形之咏
歌一往情深若此嗚呼何其纏綿悱惻如與古詩人相語
於一堂也余自丙辰來京師泊公之薨承色笑而聆緒論
者十有餘年竊見公之厚於吾杭人與吾杭人之敬公愛
公也今讀是編益歎其所由來者非偶然矣昔昌黎謂楊
景山爲古之鄉先生歿而可祭於社者余於公亦云然故
因葵卿通副之請而言其詩之所本者如此至其詩清新
俊逸妙槩眾長足以繼蘇白二公之後而爲湖山生色也

讀者咸能道之故不具論云鄉後學夏同善拜撰

如舟吟館詩鈔

生長西湖芝生氏著

壬午

盆蘭

花事經營已數年
幽香風送暮春天
自從學得王維法
壘石堆沙分外妍

學詩

詩以道性情所貴在清刻
研求數年來藉此抒胸臆
紙非

洛陽貴錦豈天孫織既不泥宮商亦不守繩墨卽景便生
情形形兼色色活潑見天真鳶魚參消息

郊外

小橋低處響魚叉綠滿池塘草色斜難得村居門巷僻隔
籬春水叫蝦蟆

暮春

草滿郊原水滿溪拖藍潑翠徧高低打魚舟去衝波穩叱
犢人來插稻齊芍藥殿春千朶放鷓鴣帶雨一聲啼湖山

十里開圖畫好把風光細品題

蘇小小墓

西泠橋畔種桃花管領春風是妾家多少湖邊游俠子攜樽爭訪碧油車

歌舞當年意態嬌而今坏土客魂銷淒清莫對平湖月賸有荒煙鎖六橋

田家

茅屋兩三間負郭田數畝手胼與足胝勤苦恒自守枵腹

立平疇望見來鮐婦手攜鴉嘴鋤一一辨稂莠夕陽忽在
山稚子候門久長兒驅犢行次兒荷簑走歸來近黃昏厨
中煮春韭炊煙出柴門蛾月挂疎柳

冬至日隨 家大人北上

扁舟斜挂一帆輕半是風聲半水聲聽到深宵船未泊離
家不慣夢難成

橋霜店月十分寒況味初嘗道路難一事思量還自慰客
中菽水尙承歡

喜晤郝蕩香庶常卽贈

信是前修好蓬瀛得意時焚香晨煮茗呵凍夜敲詩我覓
三年艾君爲一字師文章知己感相見敢嫌遲

隨家大人入值西華門

九陌雞鳴曙色寒傳聞魚鑰啟千官同來望

闕輸忱易不慣登車屈膝難人著貂衣身早貴我披鶴氅
歲將殘移時瑣院春風拂試向天街刷羽翰

盼雪